

nominato Arnolde et uxori suae contulimus et ipsos seu eos quos ipsi ad hoc stauerint ad procuracionem dictorum puerorum tollere sine contradictione nostra et nostrorum successorum volumus quamdiu vivunt praedictus Arnoldus et uxor eius et pueri praenotati, nam deficientibus Arnolde et uxore eius praelibatis pueri praedicti super praemissis de parentum consilio eligent quem voluerint pro tutore; quando vero dicti pueri mortui fuerint, praetaxati solidi denariorum ad nostram ecclesiam integraliter et libere devolventur non obstante si vivant Arnoldus et uxor eius praedicti aut tutor quicumque electus fuerit ab eisdem. Et ut haec inviolabiliter observentur, praesentem litteram sigillorum nostrorum appensionibus et sigillo civium Lipcensium procuravimus communiri. Acta sunt haec anno domini M^o. CCC^o. X^o. tertia feria post Viti proxima praesentibus sacerdotibus ecclesiae nostrae et civibus Lipcensibus, quorum nomina subnotata, Johanne priore, Alberto de Tuch quondam praeposito, Heinrico de Brunswich, Symone de Vriberch, Johanne Haul, Heinrico de Wiscenvels, Hermanno Bauro, Johanne de Dreleven, Nycolao de Woluishain, Heinrico de Sconevelt, Siffrido List, Johanne de Wrcin, Hermanno de Cice, Hermanno de Hospitali, Th. de Merica, Hermanno de Woluishain, Heinrico Karaz, Conrado de Ponte, Wilhelmo Choreac, Heinrico de Nova civitate, Nycolao de Grimmis magistro civium, Johanne de Yleburch, Rulone de Berngershain, Heinmanno Haul, Hermanno de Woluishain, Heinrico de Hallis, Merkellino sartore, Th. de Saleke, Johanne dominae Cine, Tylone de Giten, Bertoldo de Vriburch, Conrado de Pesna, Conrado Coquinario consulibus civitatis Lipzk et aliis pluribus fide dignis.

Nach dem Orig. im K. Haupt-Staatsarchiv zu Dresden. An Fäden von rother und grüner Seide hängen die Siegel des Probsts, des Convents und das grosse Stadtsiegel.

No. 75. 1311. 7. Juni.

B. Heinrich von Merseburg erteilt denen Ablass, welche die in der Thomas- und der Nicolaikirche aufbewahrten Marterwerkzeuge Christi in Andacht besuchen.

Heinricus dei gratia Mersburgensis ecclesiae episcopus universis Christi fidelibus quibus ostensum fuerit praesens scriptum salutem in omnium salvatore. Gratum et pium obsequium deo impendere arbitramur, cum mentes fidelium ad zelum devotionis et ad caritatis opera indulgentiis et remissionibus invitamus. Omnibus igitur vere confessis et contritis, qui ad arma passionis Christi, quae habentur in ecclesiis sancti Thomae et sancti Nycolai in Lipz causa devotionis accesserint dominum oraturi, quadraginta dies indulgentiae poenitentiae ipsis iniunctae in domino misericorditer relaxamus, indulgentias quoque archiepiscoporum vel episcoporum ad eadem arma datas ratificamus et praesentis scripti testimonio confirmamus. Datum Mersburg anno domini millesimo CCCXI^o. VII^o. Idus Junii, pontificatus nostri anno decimo.

Nach dem Orig. im K. Haupt-Staatsarchiv zu Dresden mit dem Siegel des Bischofs an einem von der Urkunde selbst z. Th. losgetrennten Pergamentstreifen.